

Mayan durante e celebracion dilanti Compleho Deportivo Betico Croes..

VICENTE KELLY LO BAUTISA SU CD "UN HOMENAHE NA BETICO CROES"..

Fotos y Texto : Poets.

DEN AMBIENTE



** Mayan dia 25 di januari Aruba ta recorda e fecha natalicio di nos gran inolvidable Libertador, BETICO CROES. Pa e ocasion ta memorable aki lo tin un grandioso celebracion dilanti Compleho Deportivo Betico Croes, cual ta ser organiza pa fundacion Betico Croes.

Durante e programa di e grandioso celebracion aki, e cantautor di pueblo Vicente Kelly lo bautisa su CD "Un Homenaje na Betico Croes", cual a ser patronisa pa Multi Media International. Esaki sigur lo

ta e parti mas impresionante di henter e celebracion, ya cu como Padrino lo fungi nada mas y menos e propio Tata di nos gran Libertador, Don Pancho Croes. Despues di e acto historico aki, e publico presente lo ser deleita cu e musica criyisimo di Vicente Kelly y Los Pimentosos.

Tabata e intencion pa e CD aki ser bautisa aña pasa, pero debi na retraso mucho lat di lote di e CD, esaki no por a tuma lugar. Sinembargo Vicente Kelly no a perde speranza y a

warda cu su santo pasenshi pa e aña aki si cueste loke cueste su soño ser realiza, pa mira e CD ser bautisa pa Don Pancho Croes, cual ta un deseo y honor masha grandi pa su persona.

Riba e CD aki titula "Un Homenaje na Betico Croes", ta aparece ocho tema netamente Arubianisimo; 1) Aruba Pabien, 2) Arubiano Mi Ta, 3) Pakico Pidi Mas, 4) Mi Chalapi, 5) Aruba su Berdad, 6) Nos Grandesa, 7) El Libertador y Aruba cual ta un instrumental compone pa e inolvidable fayecido musico Rufo Wever.

Por a compronde for di Vicente Kelly cu e CD aki ta obtenible ta tur e disco



barnan of por haye personalmente cerca su persona na tel:832855 of tambe

mayan durante e gran celebracion dedica na BETICO CROES..

Pa celebra independencia di Rep Dominicana...

E INVENTOR DI RITMO BACHATA..LUIS SEGURA LO TA NA ARUBA..


** Informacionan cu DEN AMBIENTE a ricibi ta indica cu dia 27 di februari proximo lo ta na Aruba e artista dominicano Luis Segura pa un solo presentacion. Dia 27 di februari ta e fecha cu e colonia Dominicana tur rond di Mundo ta recorda independencia di nan pais.

E aña aki e colonia dominicana lo ser celebra nan fiesta tradicional den Club Douane cu presentacion di Luis "El Añoñaito" Segura y su conjunto. Esaki lo bay ta un grandioso fiesta bailable cual lo ranca sali for di 8'or di anochi te den oranan di marduga. Durante e anochi pechonan aki tambe lo ta presente Vicente y Los Pimentosos.

E anochi aki lo bira e prome encuentro di enlace cultural entre varios pueblonan latino, unda cu e anochi lo cuminsa cu bailenan tipico-folklorico di paisnan manera Colombia, Venezuela, Ecuador, Peru y Rep Dominicana. Ademas e anochi aki lo rindi honor na e latinonan cu tin mas aña residencia na Aruba, kendenan tur lo haya un plakaat regalo, pa nan contribucion pa e colonia latino na Aruba.

Luis Segura ta e pionero di ritmo bachata, ritmo cu awendia ta asina pega cu ta hasta na papiamento tin grabacionnan di e ritmo bachata. E ta oriundo di Valver de Mao, region di Cibao na Rep. Dominicana y E tin añanan activo den musica cu varios temanan cu a pega na radionan. E hit mas grandi di dje ta "Penas", un cancion cu te awe ainda por scuche na radionan y awor aki na Aruba tambe.

Luis Segura a representa Rep Dominicana tur rond di mundo e el a caba di realiza un gira extenso na Merca. "El Papa de Bachata", Luis Segura na Aruba pa celebracion di independencia di Rep Dominicana dia 27 di februari proximo!..



AWE "SHOW DI POETS" NA CRISTAL FM 101.7 FOR DI 12'OR DI MERDIA PA 3'OR

TRIBUTU NA KING COMPUTER
ENTREVISTA CU VICENTE KELLY DI SU CD
HOMENAHE NA BETICO CROES
ENTREVISTANAN CU PARTICIPANTENAN PA
FESTIVAL DI TUMBA
ENTREVISTANAN ESPONTANEO Y PREMIO
NAN DI SORPRESA.
TEL:827731 OF 827726

PA MOTIBO CU E POTRETNAN NO A YEGA NA TEMPO, AWE DEN AMBIENTE CU SOLAMENTE TRES PAGINA..

** DEN AMBIENTE ta pidi disculpa na tur esnan cu awe ta enspera pa nan potret y entrevista sali. E motibo ta debi cu pa falta di un quibocasion, e potretnan a keda den Fuji Foto Studio y no por a haya

Jenny ningun caminda pa purba toch di haya e potretnan. Esaki sigur tabata di lamenta, pasobra DEN AMBIENTE tabata tin potretnan di nos tumberonan cu lo bay participa awe den e festival di Tumba y

tambe varios potretnan exclusivo saca den studionan di grabacion, pa loke ta trata produccionnan carnavalesco cu ta na caminda. Pa otro siman sigur esakinan lo haya nan debido atencion.